

IN STRABONEM.

Quod apud Cebyreos proprium sit ferrum facile tornari.

LIBRI DECIMI QVARTI.



VOD Ionum Coloniæ præfuerit Androclus Codri Athenarum regis filius, postmodū Æolicæ. Is Ephesum ædificans, Regiam Ioniæ assignauit. Sunt autem Ionum ciuitates hæ: Miletus, Mius, Lebedus, Colophon, Priena, Teos, Erythræ, Phocæa, Clazomenæ, Chius, Samus, in uniuersum duodecim. Postmodum Smyrna fuit assumpta.

Quod Apollinis oraculū apud Branchidas in Mileto sit. Quod quæ nunc Samos appellatur insula Ionica, prius dicebatur Parthenia, deinde Anthemus, inde Melamphylus, postea Samus.

Quod Samus adeo sit ferax, ut q̄ eam laudat, proverbio dicere cōsuerint, Fert & auīū lac. Quod ob Solysontis Samiorum tyranni amarulentiam Samus adeo uiris fuit destituta, ut proverbum inde natum sit quo dicitur, Solysontis opera locus amplus est.

Quod Athenienses per Periclem Samo potiti, municipes in eam miserunt, ē quorum numero Neocles fuit Epicuri philosophi pater, ludimagister. Is in Samo nutritus, adolescentiam Athenis egit cum Menandro comico.

Quod Creophylus hospes Homeri Samius fuerit. Cæterum o magnum hic scribitur. Quod Agamemnon Pygela condidit: fuit autem à parte quadam gentium illius habitatū oppidum. Nam quidam Pygalij nominati, calamitatibus defatigati illic remanserunt, ac locum Pygela uocarunt.

Quod post Troiæ captiuitatem Calchas uates cum Amphiarao pedester in Colophonem peruenit. Cæterum cum in uatem meliorem se iuxta Clarum incidisset, Mopsum scilicet Mantus filium, quæ Tyresiæ erat filia, præ tristitia periret. Cæterum Hesiodus etiam carmine hunc sermonem ita effert,

Θάμνος μὲν ἔχει λεπτὰ θυμόρ, ἐρυνέος δασὺς ὀλύνθους
οὐτῷ ἔχει μηρός πρὸ τῶν, εἴποις ἀντίθεμόρ.

Mirabor sane poteris si dicere fucus

Quot numero hæc caprificus habet, per parua licet sit. Hunc uero respondisse,

μύριοι εἰσὶν ἀειθεμόρ, ἀτάρ μέτρου γε, μίδιμνῷ
τοῖς δὲ πρίσσοις, ποὺς ἐπελθεμόν τοις ἐδύνασθαι.
Ἄσφατο καὶ σφωκειθεμός ἐπέτην μῷ ἐδύτο μέτρος,
Ἐπότε δὲ καλχανθή ὑπνῷ θανάτουο καλυψθε.

Mille quidem decies, modius mensura, superq;

Vna fit, hanc nullo poteris comprehendere pacto

Dixit, & inuentus numerus mensuraq; certa est,

Continuo mortis Calchanti somnus obortus.

Pherecydes autem inquit, prægnantesue oblata, Calchantem interrogasse, quot porcos haberet, hunc respondisse tres, atque ex ijs unam esse foeminam. Et cum Mopsus uera locutus esset, illū obiisse.

Quod Colophonij aliquando nauibus opibus, & equestribus tantum excelluerunt, ut in quancunque partem siue suffragio siue auxilio equestri, aut pedestri, aut nauibus incubuissent, finis operi imponeretur, adeo ut proverbum inde sit natum, Colophonem impo-

suit, pro eo quod est finem. Quod proverbum sit Corycæus auscultauit, cum quispiam aliquid secreto aut facere aut dicere uidetur, ne quetamen lateat ob eos qui speculantur & scire student quæ minime conuenit. Id quod Corycæi

E P I T O M A E

prædones in portibus facere solebant, interrogantes à mercatoribus in portum applicantibus, quid in nauibus portarent. Quod Anaxagoras physicus, Anaximenis Milesij fuerit familiaris. Præceptor autem fuit Archelaus physicus & Euripides poëta. Quod Melas fluuius iuxta Smyrnæ murum labitur.

Quod Dolobella Trebonio in Smyrna obsesto, interemit quempiam ex ijs qui Cæsarem per insidias interfecerant. Quod quatuor sint Lethæa flumina: aliud iuxta Magnesiam, quæ ad Mæandrum est sita: aliud in Gortyne oppido Cretæ: aliud iuxta Triccam urbem Thessaliæ, super qua Æsculapius fuit natus: aliud apud Lybas Hesperios. Cæterum urbs Magnesia prope Lethæum est iuxta Mæandrum, ubi dicunt crucifixum fuisse Daphitam, propterea quod reges uersibus incesseret,

Purpurei stimuli, fæx ultima diuitiarum,

Lysimachi, Lydos subditis atq; Phrygas. Quod Magnetes in Asia Anaxenoræ Cytharœdo æneam imaginem erexerunt hac inscriptione,

Ἄνθιμον τόδε λαλόμ ἀκούει μην θέτημεν δούλου
τοῖον γ' οἵ θεοί δέ διός γίαλίγριθος αὐδῆς.

Est operæ pretium, tales audire canentes

Qualis hic est, qui uoce deos exæquat & ode. Vbi qui epigramma inscripsit, cum non satis consyderate animaduerteret, ultimam secundi uersus literam pretermisit, cum basis latitudo non sufficeret. Quæ res ciuitatem ignorantiæ condemnari exhibuit propter ambiguitatem quæ oritur ex scriptura, num ultima dictio in nominatiuo casu sit accipienda, an in datiuo. Nam multi datiuos sine iota scribunt.

Quod Stratonicus citharœdus uidens Caunios colore admodum uiridi, dixit hoc illud esse quod poeta inquit,

Οὐ πάλαι φύλων γενετή, τοιδε τοισθαν.

Tale quidem genus est hominum quale est foliorum. Cum uero illum incusarent, quod urbem ut morbidam carperet, Ego inquit eam morbidam dicere ausim, ubi mortui ambulant. Quod Rhodij, bonis legibus instructi, maximam curam habuerunt circa res nauales. Vnde permulto tempore maris imperium obtinuerunt, & latrocinia sustulerunt, atq; Romanis amici fuere & regibus quicunq; Romanorum & Græcorum forent studiosi. Vnde suis legibus uixerunt, atq; permultis donarijs urbs eorum honestata fuit. E quibus optimus Colossus Solis fuit quem poëta qui Iambum effingit sic describit,

Κολοσσὸν ἡλίου τοθεῖται καὶ θεοῖς
χρήσεποιει τηγέων δλινθετο.

Colossum solis quandoq; septemdecim

Chares fabrefecit cubitorum Lindius. Quod Protogenes in Rhodo perdicem pinxit tam fœliciter, ut perdicum pulli accedentes canerent & congredi gestarent, homines autem admirarentur. Quod in Rhodo tanta fuerit de plebe cura, ut legem sanxerint ut diuites singulis diebus pauperes alerent, cogentes munera quedam ciuitatis peragere. Quod in Rhodo stationes quedam nauium fuerint absconditæ & clanculariæ, quas qui inspicere audebant, morte multabantur.

Quod quemadmodum in Cyzico & Massilia sic etiam in Rhodo instrumentorum & machinarum fuerint officinæ. Quod Rhodij & Halicarnassæ &

Cnid

IN STRABONEM.

Cnidij & Coi, Dores sunt. Quod Rhodus prius Ophiusa fuerit dicta & Stadia, deinde Telchinis, à Telchinis eam insulam incolentibus, quos nonnulli fascinatores & maleficos dicunt, quod Stygiam aquam animalibus & stirpibus, per nicias gratia inspergerent. Alij uero, artifices mechanicos, qui primi aeris & ferri ex metallis generationem repererint. Venerunt è Creta in Cyprum, inde in Rhodum.

Quod post Telchinas Heliadæ fabulis traduntur insulam tenuisse, è quorum uno, Cercapho filij nati sint tres, Lindus, Ialysus, Camirus. hi urbes de suis nominibus dictas condidere. Quod Rhodi ambitus stadiorum est septingentorum uiginti.

Quod Atabyris mons sit excelsissimus è Rhodijs, Ioui Atabyrio sacer.

Quod Posidonius Rhodi uixit & sophisticen exercuit. Fuit autem Apamiensis, ex urbe Syriæ.

Quod Dionysius Thrax & Apollonius qui Argonautica scripsit, Alexandrinis fuerint, quamuis Rhodij uocarentur.

Quod Eudoxus mathematicus Cnidius fuerit, Platonis discipulus.

Quod urbs Halicarnassus, principum Cariæ regia sedes fuerit, Zephyra prius appellata. Hoc loco est Mausoli sepulchrū, unum è septem orbis spectaculis, quod Artemisia marito construxit. Hinc fuit Herodotus, quem deinde Thurium uocarunt, eo quod coloniae in Thurios missæ fuisset particeps.

Quod Hecatomno Carum regi tres filij fuerint, Mausolus, Idrieus, & Pixodarus. Item filiae duæ, è quibus seniorem Artemisiā Mausolus duxit: Adam uero, secundus frater Idrieus. Post mortem Mausoli Artemisia imperauit. Ea deinde mortua, Idrieus: cui Ada & soror & coniunx successit. At Pixodarus cum Medicarum partium esset, Satrapa è Persis ad communionem imperij accito, Adam elecit. Aduentante uero Alexandro ad eum confugit Ada, ac filium adoptiuum fecit achæredem, atque hoc pacto Carum imperium suscepit.

Quod circa Cragum Lyciæ montem traduntur que de Chimaera fabulæ habent.

Quod Solymi montes Pisidarum sint, circa Termessum urbem.

Quod Crocos, genere foeminino effertur.

Quod è Solis Ciliciæ fuerint Chrisippus stoicus & Aratus.

Quod Tarsus olim adeo in philosophia ac cæteris disciplinis se exerceuerit, ut & Athenas & Alexandriam prope modum superareret: & qui discebant, Tarsenses erant.

Quod Res iuuenuit, consulta uirum, crepitus seniorum.

Quod Pelopidarum diuinitatè à metallis circa Phrygiā & Sipylum prouenerunt: Cadmi uero, circa Thraciam & montem Pangæū: & Priami ex auro quod circa Abydum effodiebatur, cuius nunc uix ulla uestigia apparent. Multa tamen electio & loca effossa, priscæ metallorum inquisitionis signa sunt. Mydæ quoque opes ex metallis fuere quæ circa Bermium monte erant: Gygis & Alyattis & Croesi ex ijs quæ apud Lydium oppidum desertum, inter Astarneum ac Pergamum, quod quidem loca effossa habet propter metallorum inquisitionem.

LIBRI DECIMI QUINTI.



VO'D India rhombi figuram præ se fert, cuius latus septentrionale Caucasus mons est, ab Aria incipiens usque ad terminum eius maxime orientalem. Hic mons Sacas terminat & Scythes & Seras, septentrionem uersus, Indos autem, uersus austrum. Latus occidentale, Indus fluuius est, è Caucaso delatus, uersus occidentem hibernum. Latus autem ipsius orientale & australe mare rubrum est.

Quod India tota fluminibus permeatur, è quibus duo maximi sunt, Indus